

**Talamdan sa  
Mga Mensahe alang sa Full-time Training  
sa Spring Term sa 2023**

-----  
**LINANGKOB NGA HISGOTANAN:  
ANG MAHINUNGدانONG MGA PUNTO SA KAMATUORAN SA MGA SULAT NI PABLO**

Mensahe 7

**Naa sa Unod ug Naa sa Espiritu**

Basahong Kasulatan: Rom. 1:9; 2:28-29; 7:17-18, 20-21; 8:4-6, 9-10, 13, 16; 12:11

**I. Aron makakinabuhi pinaagi sa nasagol nga espiritu, sa Espiritu uban sa atong espiritu (Rom. 8:16; 1 Cor. 6:17), kinahanglan makita nato kon unsa ang unod:**

- A. Ang unod mao ang nadaot, nahugawan, ug nausab nga lawas:
  - 1. Putli ang lawas sa tawo sa sinugdan, apan tungod sa pagkahulog sa tawo gipasulod ni Satanang iyang kaugalingon sa tawo, ug nahimong unod ang lawas sa tawo—Gen. 3:6; Rom. 7:18a.
  - 2. Ang atong lawas mao “ang lawas sa sala” (6:6); ug ang “lawas ning kamatayon” (7:24); aktibo kaayo ug kusganon gyod nga magpakasala batok sa Dios ang lawas sa sala, ug maluyahon ug walay kusog sa pagbuhat aron magpahimuot sa Dios ang lawas ning kamatayon (v. 18).
  - 3. Basta buhi pa ta, hangtod sa adlaw nga matubos ta, kanunay gyong mag-uban nato ang lawas sa sala ug kamatayon—itandi sa 8:23.
  - 4. Ang pulong *unod* nagpasabot sab sa tibuok hulog nga pagkatawo nato; bug-os gyong unod ang tawo kay gidominahan man sa hulog nga unod ang hulog nga tawo karon—3:20; Gen. 6:3a.
- B. Ang unod maoy “tigomanan” ug kinoral-nga-dapit sa sala, sa kamatayon, ug ni Satanang; wala nay paglaom ang unod ug dili na gyod ma-ayo pa—Rom. 7:17-18, 21; itandi sa Juan 17:15.
- C. Kaaway sa Dios ang unod, wala magpasakop sa kasugoan sa Dios, ug dili gyod makapahimuot sa Dios—Rom. 8:7.
- D. Ang sala mao si Satanang mismo nga mao “ang daotan” nga naa sa atong unod—Juan 17:15; Rom. 7:21:
  - 1. “Ang daotan” mao ang daotang kinabuhi, kinaiya, ug karakter ni Satanang mismo, nga mao ang sala nga nagpuyo-sa-sulod nato; kon dili molihok ang sala sa sulod nato, sala ra kini, apan kon mapukaw kini sa sulod nato tungod kay buot tang mobuhat og maayo, mahimo kining “ang daotan.”
  - 2. Makalimbong, makapatay (v. 11), makabuot nato ang sala, sa ato pa, makahari nato (6:12, 14), ug makapabuhat nato sa mga butang nga supak sa atong pagbuot (7:17-20); nagpakita kining tanang kalihokan nga buhing persona ang sala.
  - 3. Ang sala mao ang daotang kinaiya ni Satanang, sa daotan, nga, sa nakapasulod na sa iyang kaugalingon sa tawo tungod sa pagkahulog ni Adam, nahimo nang masal-anon kaayong kinaiya karon nga nagpuyo, naglihok, ug nagbuhat diha sa hulog nga tawo—itandi sa Mat. 16:22-23.
  - 4. Niingon si Pablo sa Galacia 2:20 nga, “Dili na ako ang nabuhi, kondili si Cristo ang nabuhi sa sulod nako”; niingon siya sa Roma 7:17 nga, “Dili na ako...kondili ang sala nga nagpuyo nako,” nagpakita nga laing persona ang sala sa sulod nato.
  - 5. Walay nagpuyong maayo sa atong unod, kay hingpit man kining gipanag-iya, kun giilog ni Satanang, nga sala—v. 18a.

**II. Tungod ug alang sa pamatigayon sa Dios, gigamit sa Dios, sa kaalam ug pagkamagbubuot Niya, ang masal-anon ug ngil-ad natong unod sa pagpugos kanato nga modangop sa atong espiritu aron labi pang makabaton sa Espiritu alang sa Iyang pagtukod pinaagi sa pagtubo sa Dios sa sulod nato—Col. 2:19; Zac. 4:6:**

- A. Dili ngani naa ta sa espiritu, naa gyod ta sa unod; walay ikatulong dapit nga mahimutangan nato; gamayng hulad sa tanaman sa Eden ang magtutuo—naa sa iyang espiritu ang Dios nga kahoy sa kinabuhi, naa sa iyang unod si Satanang nga kahoy sa kahibalo, ug naa sa tunga-tunga ang iyang salabotan—Rom. 8:6.

- B. Segun sa balaod, gihukman na kas-a hangtod sa dayon didto sa krus si Satanas ug ang atong unod (v. 3; Juan 3:14; Heb. 2:14; 2 Cor. 5:21), apan gipapabilin sa Dios ang unod uban nato aron motabang ug mopugos nato nga modangop ni Cristo nga naa sa atong espiritu ug dili na mosalig pa sa unod (Fil. 3:3).
- C. Kon wala pa motabang ang masal-anon ug ngil-ad nga unod, dili unta ta sama kadesperado nga maka-baton sa Ginoo o magpaumol ba Niya kanato—Rom. 8:6, 13.
- D. Tumong tingali nato nga mabalaan o maespirituhanon o magmadaogon, apan ang tumong sa Dios pag-buhat man sa Iyang Kaugalingon kanato; sagad nga kon naa ta sa lisod nga sitwasyon, mas bukas ta sa Ginoo ug mas andam nga modangop Niya ug ipabuhat ang Iyang Kaugalingon nganhi nato—vv. 28-29.
- E. Kon magtinguha ta Niya, bisan ang masal-anong sinagol nga unod makatabang man nato nga makabaton sa Ginoo; kay sige man tang mapakyas, desperado tang modangop sa atong espiritu, ug sa ingon niana labi natong mabatonan ang Espiritu—itandi sa Exo. 23:23, 29-30; Judg. 2:21—3:4.
- F. Ang atong mga kalisdanan, kapildihan, kapakyasan, ug kahigawad magpugos nato nga makaamgo nga wala nay paglaom diha sa unod; maayo lang kining mopugos nato nga modangop ni Cristo nga naa sa atong espiritu, motulod nato nganha sa atong espiritu, maghimo natong desperado nga maanaa sa espiritu, ug maghimo natong matukawon nga magpabilin diha sa espiritu—Mat. 26:41; Efe. 6:17-18.
- G. Wala magtagad ang Ginoo kon magmadaogon ba ta o dili; usa ray gitagad Niya—nga mabatonan nato Siya nga Espiritu—Fil. 3:8; 2 Cor. 3:17-18.

**III. Kahibulongang sinagol ang atong espiritu—sinagolan ni Cristo, sa Espiritu, ug sa grasya—2 Tim. 4:22; Rom. 8:16; Gal. 6:18:**

- A. Gusto sa Dios nga maggawi ta uyon ning kahibulongan nga sinagol nga espiritu (mauyon sa espiritu ang pagkatawo ug pagkinabuhi nato ug ang tanang isulti ug buhaton nato)—Rom. 8:4; Fil. 1:19; 1 Cor. 6:17; itandi sa Exo. 30:23-25.
- B. Ang mga tawo rang naggawi uyon sa espiritu ang mahimong hustong mga bahin nga inugtukod sa iglesia lokal; kon dili ingon niana ang atong paggawi, sa madali o madugay mahimo gyod tang problema sa iglesia lokal nato—Gal. 5:16-26.
- C. Gipadayag sa Roma nga bisan unsa ta, bisan unsay buhaton nato, ug bisan unsay naa nato kinahanglan nga naa gyod sa espiritu; magpahilayo kini nato sa pagkakawang sa relihiyon—1:9; 7:6; Fil. 3:3:
  1. Nag-agad sa Espiritu sa Dios ang realidad sa tanang espirituhanong butang, ug naa sa atong espiritu ang Espiritu sa Dios; busa, nag-agad sa atong espiritu ang realidad sa tanang espirituhanong butang, dili sa bisan unsang butang nga wala sa atong espiritu—Rom. 8:5-6, 9-11.
  2. Kakawangan ang bisan unsang naa nato gawas kon naa kini “sa sulod,” naa sa atong espiritu, dili sa “gawas,” sa unod—2:28-29; 8:4, 10, 13; 12:11.
  3. Naa sa atong espiritu ang tanang pagkamao sa Dios alang nato—8:16; 2 Tim. 4:22.
- D. Gitagana sa Dios ang espiritu sa tawo para sa Iyang tuyo—Zac. 12:1; Prov. 20:27.
- E. Ang espiritu nato karon mao ang tinuod nga Bethel, ang balay sa Dios ug ang ganghaan sa langit; modangop ngani ta sa atong espiritu, maanaa ta sa ikatulong langit—Efe. 2:22; Gen. 28:12, 17, 19.
- F. Naa ngani ta sa atong espiritu, naa ta Dapit Labing Balaan, nikontak sa trono sa grasya ug gisusteneran ni Cristo aron magkinabuhi sa langitnong kinabuhi dinhi sa yuta—Heb. 10:22a; 4:16.
- G. Diha sa atong espiritu makadaog ta sa kalibotan, ug dili makahilabot nato ang daotan; ang bugtong paagi nga makadaog ta ni Satanas mao ang pagpabilin diha sa taas nga tore sa gipanganak pag-usab nga espiritu nato—1 Juan 5:4, 18; Juan 3:6; 14:30.
- H. Kay gipaambit na man ni Cristo, nga Espiritung taghatag-og-kinabuhi, ang Iyang Kaugalingon nganha sa atong espiritu, kinabuhi ang atong espiritu (Gk. *zoe*)—Rom. 8:10.
- I. Ang atong espiritu maoy dapit sa pagkausa; mausa lang ta kon magsimba ta Dios diha sa atong espiritu, nga mao ang Jerusalem karon—Juan 4:23-24; Salmo 133.
- J. Naa sa atong espiritu si Cristo, nga langitnon ug espirituhanong kalan-on, ug mokaon gyod ta Niya aron mahimong panghimatuod Niya ug motubo ngadto Niya aron matukod ang Iyang Lawas—Juan 6:57, 63.